



Kommuneqarfik Sermersuumi Kommunalbestyrelsip nunaqarfinnilu aqutsisut politikikkut suleqatigiinnissaannik isumaqatigiissut

Illuatungeriit

1. Isumaqatigiissuteqarfigineqartut:

Kommuneqarfik Sermersuumi Kommunalbestyrelse

aamma

Nunaqarfinni aqutsisut Kulusuk, Tiilerilaaq, Isertoq

aamma

Nunaqarfinni aqutsisut Kuummiit, Sermiligaaq

aamma

Nunaqarfinni aqutsisut Kapisillit, Qeqertarsuatsiaat

aamma

Nunaqarfinni aqutsisut, Arsuk

Siunertaq

2. Isumaqatigiissutip pilersissavai kommune, ataatsimut isiginnilluni kommunalbestyrelsip, nunaqarfinni aqutsisut, kommunimilu ingerlatsiviit atuuffii pingaarutillit erseqqissassallugit. Isumaqatigiissutittaaq qaffassissumik paasinarsassavaa kommunalbestyrelsip pissamaatit atugassiissutai sumut qanorlu atorneqartussaaneri.

Kommunalbestyrelse

3. Ukiut tamaasa pisartumik missingersuutit ingerlattarnerinut atatillugu kommunalbestyrelsip ingerlatsinermut sanaartormullu aningaasartuutit Kommuneqarfik Sermersuumi najugaqarfinni tamani pingaarnersiorlugillu aalajangiiffigisarpai.
4. Nunaqarfinni aqutsisut ataatsimiinnissaanut aningaasartuutit, suliamut atatillugu angalanerit suliamullu atatillugu akunnittarfinni unnuinerit kommunip missingersuutaanit matussuserneqartarput.
- 4.2. Nunaqarfiit KANUNUPE-mut ilaasortaaneri kommunip missingersuutaanit matussuserneqartarput.



5. Kommunalbestyrelse ukiut tamaasa nunaqarfinni aqutsisunut immikkut atorsinnasanik immikkoortitsisarpoq, namminneq alajangikkaminnut atorsinnaasaannik (nunaqarfinnut aningaasaliissutit). Bygdepulje-p annertussusaa innuttaasut amerlassusaaq aallaavigalugit agguataagaavoq taamaattoq immikkut toqqammaviumik aamma agguassinertaqarluni.
6. Kommunalbestyrelse sapinngisamik nunaqarfinni aqutsisut oqaaseqaataannik, nunaqarfinni aqutsisut aalajangiiffiginnaangisaannut tunngappata nunaqarfimmi pissutsini tamani oqaaseqaatigisariaqakkanik paasissutissanik pissarsiniartassaaq. Tamanna qulakkeerneqassaaq pisortaqtigiit pisussaaffilernerisigit nunaqarfinni aqutsisut tusarniarneqartassasut nunaqarfinnut kinguneqartussanik pingaarutilinnik allannguisoqassatillugu .
7. Borgmesteri aamma nunaqarfinni aqutsisut siulittaasui qaammatit pingasukkuuttarlugit ataatsimiittarput. Ataatsimiinnermi oqaluuserineqartarput politikikkut suulluunniit nunaqarfinnut tunngassuteqartut.
- 7.2. Borgmesterip aalangertarpaa ataatsimiinneq telefonikkut, skype-kkut imlt. takkulluni pissanersoq. Borgmesterip aalajangernini nunaqarfinni aqutsisut siulittaasuinut nalunaarutigisarpaa.
- 7.3. Borgmesterip ulloq ataatsimiiffissaq aalajangertarpaa, nunaqarfinnilu aqutsisut siulittaasuinut qaaqussisummik nassiussilluni.
- 7.4. Nunaqarfinni aqutsisut siulittaasui kingusinnerpaamik ullut arfineq-marluk qaangiunnerini ullormut oqaluuserisassanut ilanngutassaqaarunik nassitsissapput. Oqaluuserisassat Borgmesterip Allatseqarfianut nassiunneqassapput.
- 7.5. Borgmesterip ullormut oqaluuserisassat, ataatsimiinnissaq kingusinnerpaamik ullunik pingasunik sioqqullugu nunaqarfinni aqutsisut siulittaasuinut, nassiutissavai.

Nunaqarfinni aqutsisut

8. Nunaqarfinni aqutsisut inatsisitigut aalajangersakkat makku suliassaraat:
 - a. Nunaqarfimmi pissutsinut innersuussummik kommunalbestyrelsimut tunniussissalluni, aamma
 - b. Innersuussut nunaqarfimmi pissutsinut tunngasoq pillugu kommunalbestyrelsimut oqaaseqassalluni
9. Nunaqarfinni aqutsisut nunaqarfinnut aningaasaliissutit makkununga atorsinnaavaat:
 - a. Kulturimut aamma innutaasunut qaammarsaanermut,
 - b. Timersuutini sammisassanut,
 - c. Teknikkikkut ingerlatsinermut pilersuinerimullu,
 - d. Sumiiffimmi nunaqarfimmi inuussutissarsiutitigut suliniutinut,
 - e. Inooqatigiinnikkut sammisassanut, aamma
 - f. suliassat, kommunimit pisinnaatitsissutaasut
10. nunaqarfinni aqutsisut qaammatit tamaasa akiligassat-, banki- og karse-allagartai kommunalbestyrelsimut nassiutissavaat takuniarlugu uppernarsaatit, nunaqarfimmut aningaasaliissutit qanoq atornerarneri.

Nunaqarfimmi aqutsisut suliassat, missingersuusiornermi.

11. *Nunaqarfinni* aqutsisut aprili qaammataa naatinnagu Borgmesterip Allatseqarfianut, *nunaqarfimmi* aqutsisut ukiumut tullermut missingersuummut siunnersuusiaat nassiunneqartassapput.
- 11.2. Nunaqarfinni aqutsisut siunnersuutaat, misingersuummut siunnersuutinik tulleriarinissaq siunertaralugu Borgmesterip Allatseqarfiata ataatsimiisitamat ingerlateqqinnissai isumagissavaa.



12. Nunaqarfinni aqutsisut siulersuisui Kommunalbestyrelsimi missingersuummut paasiniaaqatigiinnermut peqataassapput, missingersuutip siullermeerneqarnissaa sioqqullugu pisartumi.
- 12.2. Kommuneqarfik Sermersuumut missingersuut akuerineqareerpat, nunaqarfinni aqutsisut siunnersuutaat sorliit akuerineqarnersut, aammalu aningaasat nunaqarfinnut agguagassat ukiumut annertussusia ilanngullugu, Borgmesterip Allatseqarfianit imlt. ingerlatsivimmiit susassaqtumit nunaqarfinni aqutsisunut ilisimatsitsissut isumagineqassaaq.

Nunaqarfinnut aningaasaliissutit atorneri aqunneralu (atorsinnaasanut sinaakkut)

13. Nunaqarfinnut aningaasaliissutit nunaqarfinni aqutsisut nammineq aalajangikkaminnik, susassaqrarfiit imm. 9-mi taaneqartut iluani atorsinnaallugillu aqussavaat, takukkit a – f.
14. Nunaqarfimmi aqutsisut, nunaqarfimmut aningaasaliissutit atornissaanut aqunnissaanullu siunnersuut suliarissavaat, Aningaasaqarnermut Ataatsimiisitaliamit akuerineqarnissaa siunertaralugu.
- 14.2. nunaqarfimmut aningaasaliissutit aggornerasa ilaat minneq susassaqrarfimmi, nunaqarfimmut aningaasaliissutit atorsinnaaffiisa arlaani kingusinnerusukkut atugassatut immikkoortinneqarsinnaavoq.
- 14.3. Siunnersuutit Borgmesterip Allatseqarfianut nassiunneqassapput. Borgmesterip Allatseqarfiata Aningaasaqarnermut Ataatsimiisitami suliarineqartussanngorlugu ingerlateqqinnissaa isumagissavaa
15. Nunaqarfimmi aqutsisut aningaasaliissut ukiup naatsorsuuteqarfiup naanerani atorsimangippagit, sinneruttoq (annerpaamik aningaasaliisutip tamarmi 50 %-a) ukioq tullermut naatsorsuuteqarfiusussamut nuunneqarsinnaavoq.
- 15.2. Nunaqarfimmi aqutsisut Aningaasaqarnermut Ataatsimiisitaq tamassuminnga qinnuteqaateqarfigissavaat. Qinnuteqaat Borgmesterip Allatseqarfianut nassiunneqassaaq. Qinnuteqaatip Aningaasaqarnermut Ataatsimiisitamat suliasanngorlugu nassiunneqarnissaa Borgmesterip Allatseqarfiata isumagissavaa.

Nunaqarfinni aqutsisunut il.il. Allatseqarfiup sulissussinera.

16. *Borgmesterip Allatseqarfiata* nunaqarfinni aqutsisut ataatsimiinnissai, tassungalu atatillugu sullissinerit allat, ullormut oqaluserisassat suliasanillu saqqummiinerit ilanngullugit isumagissavai.
17. Borgmesterip Allatseqarfiata nunaqarfinni aqutsisut apeqqutini suleriaasiinut tunngasuni tamani siunnersussavaat, kommunit aqunneqarnerani inatsit atuuttoq aammalu kommuninut inatsisitigut tunngasut nalinginnaasut ilanngullugit.
18. Nunaqarfinni aqutsisut siulittaasui nunaqarfimmi aqutsisut ataatsimiinnerini aqutsisuussapput suleriaatsimilu malittarisassat sukkulluunniit atuuttut Malinneqassapput.
19. Borgmesterip Allatseqarfiata apeqquteqaatissatut isummiussat, siunnersuutit ilanngullugit kommunalbestyrelsimi suliarisassanngorlugit ingerlateqqinnissai isumagissavaa. Tamanna imatut ingerlanneqartassaaq saaffiginnissutit borgmesterip allatseqarfianut ingerlanneqartassasut, tassanngaanniit nalilersorneqartassapput allaffissornikkut imlt. politikikkut suliarineqassanersut imlt. pisortanut pisussaaffeqartunut allanut ingerlateqqitassaassanersut



Atuutilerfia, atuukkunnaarfia, il.il.

20. Maannakkut isumaqatigiissut atuutissaaq ulloq 05.09.2017 atuutissallunilu qinigaaffiup naaneranut aprili 2021 imlt atuukkunaarnissaa kommunalbestyrelsimit aalajangiunneqarpat.

Ulloq: 3.10.2017 Sumiiffik: Nuuk

Asii C. W

Kommunalbestyrelse sinnerlugu
Asii Chemnitz Narup, borgmesteri

Ulloq: 3/10-17 Sumiiffik: Nuuk

Justus Poulsen

Nunaqarfinni aqutsisut sinnerlugit Kulusuk, Tiilerilaaq, Isertoq
Justus Poulsen, nunaqarfinni aqutsisut siulittaasuat

Ulloq: 3-10-17 Sumiiffik: Nuuk

Peter Nathanielsen

Nunaqarfinni aqutsisut sinnerlugit Kuummiit, Sermiligaaq
Peter Nathanielsen, nunaqarfinni aqutsisut siulittaasuat

Ulloq: 3/10-2017 Sumiiffik: Nuuk

Noahsen

Nunaqarfinni aqutsisut sinnerlugit Kapisillit, Qeqertarsuatsiaat
Mánassínguak Noahsen, nunaqarfinni aqutsisut siulittaasuat

Ulloq: 3-10-17 Sumiiffik: Nuuk

WP Mikaelen

Nunaqarfinni aqutsisut sinnerlugit, Arsuk
Niels Peter Mikaelen, nunaqarfinni aqutsisut siulittaasuat